

San Pablo Filemonre chu'o tocha saosi'ea'me

Filemonni chu'o saomɔ Pablo

¹ Chu'u, Pablo, Jesucristo pa'iche chu'vakujeku pãi chëav'ere pa'imɔ. Mai majarpãiɔja'iu Timoteona'me chu'u ie chu'o saomɔ mɔ'ure Filemonre, chukuna rɔa cuasaku'te, Dios chu'o chukuna sani chu'varumɔ cho'okaisi'kure. ² Ũcuaja'che chekunare Diore cuasakuanupɔ mɔ'u vɔ'e chi'inare Diore cuasako'te Apiana'me chukuna chu'vacheja'che Dios chu'o chu'vaku'te Arquipo'te iere saome chukuna. ³ Mai Ja'ku Dios, Maire Paaku Jesucristona'me musanukona rekoñoãna re'oja'che pa'iche cho'okaijuna re'oja'che pa'ijũ'u.

Filemón Diore cuasachena'me repaɔ Diore cuasanare oiche'te kɔamɔ

⁴⁻⁵ Maire Paakuni Jesucristoni chiiɔ mɔ'u cuasache asasi'kuamɔ chu'u. Ũcuaja'che Diore cuasanare ũcuanukore mɔ'u oiche asasi'kuamɔ chu'u. Jã'ajekuna mɔ'u re'oja'che pa'iche'te asa cuasaku, Dioni si'arumɔ sëeɔ, "Re'orepamɔ", chiimɔ chu'u Repaɔ'te. ⁶ Dioni sëekaimɔ chu'u, mɔ'uri Jesucristo'te cuasache kuach'ore chekunani kuaku Repaɔ maire Repaɔ'te cuasanare re'oja'che cho'okaiche'te peore masia'ku chini. ⁷ Diore cuasakujeku chu'u majarpãiɔja'iu'mɔ mɔ'u. Diore cuasanare mɔ'uri oiana asa pojoku re'oja'che pa'imɔ chu'u. Mɔ'uri

re'oja'che cho'okaiuna sumava'na pa'isina rua pojoju pa'ime repana.

Filemonpi Onésimoni re'oja'che cho'okaau chini sēmũ Pablo

⁸ Mũ'upi chũ'uni re'oja'che cho'okaau chini chũ'ure Cristo saosi'kuni chũ'ũuato chũ'ure'omũ. ⁹ Jã'ata'ni mũ'ure Diore cuasanare oikujekuna cho'okaau chini sēmũ chũ'u. Chũ'u, Pablo chura aiva'ua'mũ. Jesucristo pa'iche chũ'vakujeku pã chēavũ'ere pa'imũ chũ'u. ¹⁰ Mũ'upi Onésimoni oĩa re'oja'che cho'okaau chini sēmũ chũ'u. Chũ'upi pã chēavũ'ere pa'ĩa Dios chũ'ore chũ'vakuna asa chēa Jesucristo'te cuasamũ repau Onésimo. Jã'ajekuna chũ'u chĩija'ia'mũ repau.

¹¹ Aperũmũ repau Onésimo cu'ache pa'ĩa mũ'u chũ'ũñe re'oja'che cho'okaimaneasomũ. Churata'ni Jesucristo'te cuasakujeku chũ'ure re'oja'che cho'okaiũ, mũ'ure ũcuachi'a re'oja'che cho'okaija'mũ repau. ¹² Mũ'uni co'chomũ chũ'u repau'te. Chũ'u meñe oicheja'che rua oimũ chũ'u repau'te. ¹³ Mũ'upi ichejare pani chũ'ure Dios chũ'ore chũ'vaku chēacojñosi'kure cho'okaira'amũ. Jã'ajekuna mũ'u cho'okaira'asi'eja'che Onésimopi saima'ñe pa'ĩa cho'okaito pojora'amũ chũ'u. ¹⁴ Jã'ata'ni mũ'ure sēema'ñe tua paacuheku co'chomũ chũ'u repau'te. Mũ'upi, "Onésimore paajũ'u", chiitota'ni paara'amũ chũ'u.

¹⁵ Repau Onésimo mũ'ure jo'ka saniso jmamakarũ ja'me pa'imanesi'e cu'ama'mũ. Chura Diore cuasaku mũ'uni co'ĩana si'arũmũ paaja'mũ mũ'u repau'te. ¹⁶ Aperũmũ mũ'u

repau'te mu'uni rupu cho'ochete cho'okaau chini paasi'kua'mu. Churata'ni Jesucristoni cuasakuna mache'ure rua chiiu paacheja'che paaja'mu mu'u repau'te. Repau'te Onésimore rua chiimu chu'u. Jã'ata'ni mu'upi repau'te na'a rua chiijũ'u. Repau Onésimo mu'ure rupu cho'ochete cho'okaijachechi'a cuasama'ñe, "Onésimo Jesucristo'te cuasakujeku chu'u majapãiujaja'iu'mu", chiiu cuasaku pojojũ'u. ¹⁷ "Chu'ure ja'me pa'iku'mu Pablo", chiiku'mu mu'u chu'ure. Jã'ajekuna mu'u chu'ure ña pojoku cho'ochete Onésimore ũcuaja'che ña pojoku cho'ojũ'u. ¹⁸ Repau Onésimo mu'ure cu'ache cho'osi'e pa'ito chekurumu mu'uni pōsero'i paato chu'upi ro'ikaija'mu. ¹⁹ Chu'urepauji ija'ovana tochamu chu'u ie: Repau Onésimo mu'uni pōsero'i paato chu'upi ro'ikaija'mu. Chura chu'ure i'kaama'ñeta'ni ũcua i'kara. Chu'upi mu'uni cu'are ũsekaimau Jesucristo pa'iche'te mu'uni kamaneru Repau'te cuasama'ku jūnisoru cu'ache ti'jñera'amu mu'ure. Jã'ajekuna mu'u chu'ure rua pōsero'i paakujache pa'imu cu'ache ũsekaisi'e ro'i. ²⁰ Chu'u majapãiujaja'iu, asarepajũ'u. Mai Jesucristo'te ũcuate'eu'te cuasanaa'me. Jã'ajekuna mu'upi chu'uni cho'okaau chini sēemu chu'u. Repau'te Onésimore mu'upi cuhema'ñe jo'e paato rua pojoja'mu chu'u.

²¹ Ija'che cuasamu chu'u: "Chu'u sēesi'e Filemón cho'okaijacosomu. Ũcuachi'a chekurumu ikure Onésimore na'a rua re'oja'che cho'okaijacosomu repau", chini cuasaku ie chu'o tocha saomu chu'u mu'uni

sēeṁ. ²² Ũcuachi'a chũ'u sani kãijaruupũ care'vakaijũ'u. Mũsanũkonapi chũ'uni etoa'ku chini Dioni sēekaijũna, ivũ'e pãi chēavũ'e eta sani ñaja'mũ chũ'u mũsanũkonare, chini cuasamũ chũ'u.

Tocha pi'nisi'ea'me

²³ Epafras, ũcuaja'che Dios chũ'o chũ'vakũjekũ chũ'una'me pãi chēavũ'ere pa'iu chũ'o saomũ mũsanũkonare. ²⁴ Ũcuaja'che chũ'upi Dios chũ'ore chũ'vakũna cho'okaisina Marcona'me Aristarco, Demana'me Lucas chũ'o saome mũsanũkonare.

²⁵ Maire Paakũ Jesucristoji re'oja'che cho'okaau mũsanũkonare. Re'omũ.

Pablo

Dios Chu'o Kuaphuro
Koreguaje: Dios Chu'o Kuaphuro New Testament
copyright © 2009 Wycliffe Bible Translators, Inc.

Language: Koreguaje

Contributor: Wycliffe Bible Translators, Inc.

All rights reserved.

2020-11-18

PDF generated using Haiola and XeLaTeX on 21 Feb 2024 from source
files dated 29 Jan 2022
87a345ac-83c6-51ad-8750-17a703f38bcc